

NALUNAARUTIT - GrønlandsLovsamling

Serie C-II

ISUMAQATIGIISSTUT

Naalakkersuisut, Medarbejder- og Kompetencestyrelsen aamma Suliner-
mik Inuussutissarsiuuteqartut Kattuffiata akornanni **napparsimanersi-
utit** pillugit isumaqatigiissut.

IMAASA NALUNAARSORSIMAFFIAT

Qupp.

§ 1 Isumaqtigiissummi pineqartut.....	2
§ 2 Napparsimanersiuteqartitsinerup aqunneqarnera.....	2
§ 3 Ullormusiaqarnissanik pisinnaatitaaneq	3
§ 4 Napparsimaneq.....	3
§ 5 Ullormusiaqarnissamik qinnuteqarneq.....	3
§ 6 Ullormusiat annertussusii.....	4
§ 7 Ullormusiaqarnerup atorunnaarsinneqarnera.....	5
§ 8 Sulinermi akerleriinnerit sulinngiffegarnerlu.....	5
§ 9 Ullormusiat killilernerat.....	5
§ 10 Utertitsineq.....	6
§ 11 Equnngitsunik nalunaaruteqarneq.....	6
§ 12 Aqqissuussinerup aningaasalersorneqarnera.....	6
§ 13 Piffissaq isumaqtigiissutip atuuuffia.....	7

Immikkoortoq N.
(napparsimanersiutit)
(SIK)

§ 1

Isumaqtigiissummi pineqartut

Naalakkersuisut, Medarbejder- og Kompetencestyrelsen aamma Suliner-
mik Inuussutissarsiuteqartut Kattuffiata akornanni SIK-p isumaqa-
tigiissutaannut illuatungeriit akornanni isumaqtigiissuteqarfingi-
neqareersunut allatullu napparsimanermik nalaani aningaasarsisini-
naanissaminnik isumannaarivigineqanngitsunut napparsimanersiuteqar-
titsinissamik kinguliini allassimasutut isumaqtigiissuteqartoqar-
poq.

§ 2

Napparsimanersiuteqartitsinerup aqunneqarnera

Napparsimanersiuteqartitsinermik aaqqissuussinermut qullersaavoq
ataatsimiititaliaq Nuummi angerlarsimaffeqartoq, sisamanik ilaasor-
talik, illuatungaani S.I.K. illuatungaanilu pisortat sulisitsisut
isumaqtiginninniartitaat tamarmik ilaasortanik marlunnik qinersis-
sallutik. Pisortat sulisitsisut isumaqtiginninniartitaasa ilaasor-
tatut qinigaata aappaa Namminersorlutik Oqartussani Isumaginninnermi
Naalakkersuisoqarfiup pisortarissavaa.

Imm. 2. Napparsimanersiuteqartitsineq pillugu apeqqutini tamani
ataatsimiititaliaq qullersaalluni oqartussaavoq. Aalajangiinerni
amerlanerit isumaat atortassaaq. Taasinerit amerlaqatigiitsillugit
ataatsimiititaliaq isumaqtigiissitsiniartartumik suleqateqalissaq
taassumalu taasinera aalajangiinermi malinneqartassalluni. Illua-
tungeriit isumaqtigiissutigaat isumaqtigiissitsiniartartoq tama-
tigut tassaasariaqartoq Kalallit Nunaanni landsdommeri.

Imm. 3. Ataatsimiititaliap aalajangiineri inaarutaasumik aalajan-
giinerupput eqqartuussivinnullu suliassangortinnejarsinnaanatik.

§ 3

Ullormusiaqarnissanik pisinnaatitaaneq

Napparsimasoqartillugu ullormusiaqartitsisoqassaaq Kalaallit Nu-naanni kommuneni, Namminersorlutik Oqartussani naalagaaffimmiluunniit napparsimasoqalersinnagu sap.akunneri 6-t kingulliit sivikinnerpaamik nal.akunnerini 40-ni sulisoqareersimappat, tassa pineqartoq napparsimalernermini Namminersorlutik Oqartussani, Tusass A/S-mi, A/S Inissiaatileqatigiiffik INI-mi, naalagaaffimmi kommuneniluunniit suliffeqarpat.

Imm. 2. Sulisartoq suliffimmi soraarsitaanermi kingornatigut ullup tulliani piffissap suliffiusup nalinginnaasup aallartinnginnerani napparsimalersoq naak soraarsitaareeraluaruniluunniit tamatumunnga tunngatillugu suli sulisutut naatsorsuunneqassaaq napparsimanersiuteqartussaatitaallunilu, tamatumunnga piumasarineqartut naammassisimagunigit.

Imm. 3. Napparsimanerup nalaani soraarsitaaneq § 7 naapertorlugu napparsimanersiuteqarsinnaanermut sunniuteqanngilaq.

§ 4

Napparsimaneq

Napparsimanermut sulisinnaajunnaarnermik kinguneqartumut ullormusiaqartitsisoqassaaq napparsimasoq piaaraluni imaluunniit mianersuaalliorujussuarluni nammineerluni napparsimalersimannngippat.

§ 5

Ullormusiaqarnissamik qinnuteqarneq

Napparsimalernermiit kingusinnerpaamik ullut 9-t qaangiutsinnagit najukkami sulisut napparsimaneq pissutigalugu ullormusiaqarnissaq sulisitsisumut qinnuteqaatigineqassaaq.

Imm. 2. Qinnuteqarneq immikkut immersugassami ataatsimiititaliap § 2-mi taaneqartup akuersissutigisaani allanneqassaaq sulisitsisumillu pineqartumit allagartalernegassalluni tassani upternarsar-neqassalluni sulisitsisoq napparsimanersiuteqartitsinermik aaqqisuussinermut ilaasoq, napparsimasoq napparsimalernermini tassani sulisuusoq aamma napparsimasoq Kalaallit Nunaanni kommune-ni, Nam-minersorlutik Oqartussani, Tusass A/S-mi, A/S Inissiaatileqatigiif-fik INI-mi imaluunniit naalagaaffimmi sap.akunnerini 6-ni kingul-lerni sivikinnerpaamik nal. akunnerini 40-ni sulisuusimasoq.

Imm. 3. Ullormit siullermit sulisinnaajunnaarfimmit napparsima-nersiutit akiliutigineqartassapput. Sap.akunneranut tamakkiisumik suliffimmut (nal.akunneri 40) ullormut napparsimanersiutisissuti-gineqartassapput, sap.akunnerani nalinginnaasumik suliffiusimasumi ullormut napparsimanersiutisissqartassaaq. Isumaqtigiissutit naa-pertorlugit nalliuuttut ulluinnartigoortut aningaasarsiffiussappata nalliuuttoq ulluinnartigoortoq ullormusissutigitinneqassanngilaq.

§ 6

Ullormusiat annertussusii

Ullormusiat 102,00 kr-nik annertussuseqarput.

Imm. 2. Ullormusiat annertussusiat atuutsinneqassaaq aammattaaq nap-parsimasoq napparsimalersinnani piffissami sivikillisami suliga-luarpalluunniit.

Imm. 3. Ullormusiat annertussusissaattut aalajangersakkat isumaqtigiinniarernut atatillugu taamaallaat allangortinneqarsinnaapput.

§ 7

Ullormusiaqarnerup atorunnaarsinnejnarnera

Ullormusiaqartitsineq unitsinnejnassaaq ullormi napparsimasup ajo-runnaarluni suleqqilersinnaaffiani, naak ingerlaannarluni suleqqilinngikkaluarpalluunniit, aamma peqqissinini nalunaarutiginnngikkaluarpaguluunniit. Ullormusialli tunniunneqaannartassapput pineqartoq suleqqilersinnaaffimmi kingorna allamukarluni katsorsartikkiartortariaqarpat, aqqutissaq sukkanerpaaq toqqaannartorlu atorlugu suliffiminut tikeeqinnissaa tikillugu.

Imm. 2. Ullormusiaqartitsisoqarsinnaavoq sivisunerpaamik sap.akunnerini 26-ni qaammatit tulleriiit 12-t iluanni. Sulisinnaajunnaarneq ajutoornermik sulisilluni pisumik pissuteqarpat ullormusiaqarneq sap.akunnerinik 13-inik allanik sivitsorneqarsinnaavoq.

§ 8

Sulinermi akerleriinnerit sulinngiffeqarnerlu

Suliumajunnaartoqartillugu suliffiilluunniit matuneqarnerisigut ullormusiaqartitsisoqassanngilaq.

Imm. 2. Ullut sulinngiffeqarnersiuteqarluni sulinngiffeqarfiiit ullormusiasiffiussanngillat.

Imm. 3. Ullormusiat sulinngiffeqarnersissutigineqarsinnaanngillat.

§ 9

Ullormusiat killilernerat

Napparsimanerup nalaani ullormusiat saniatigut aningaasanik ikiuttisiaqartoq akissarsiaqartorluunniit pilersuisuusimaguni napparsimalernermik nalunaarnerup siornatigut sap.akunnerini 4-ni akissarsiarisimasat qaangiuttoornersiartaqanngitsut 90%-tii sinnerlugit

Immikkoortoq N.
(napparsimanersiutit)
(SIK)

ullormusiaqarsinnaanngilaq, pilersuisuusimanngikkuni napparsimaler-
nermik nalunaarnerup siornatigut sap.akunnerini 4-ni ullormut akis-
sarsiat qaangiuttoornersiartaqanngitsut 80%-tii qaangersimassan-
agit. Taamaattorqarsimappalli ullormusiat peerneqarlutilluunniit i-
kilisinneqassapput, killissarititanik qaangiissanngimmata.

§ 10

Utertitsineq

Napparsimasoq akissarsiassaagaluaminut annaasanut taartisiaqarpat
imaluunniit eqqunngitsumik tunngaveqarluni ullormusiaqarpat ullor-
musiatut tunniunneqarsimasut sulisitsisumut utertinneqassapput,
sulisitsisup tamanna isumagissavaa sulisup akissarsiaanit ilanngaas-
inikkut.

§ 11

Eqqunngitsunik nalunaaruteqarneq

Ullormusianik piniarlutik eqqunngitsunik nalunaaruteqartut politi-
nut nalunaarutigineqartassapput. Taamatuttaaq eqqunngitsunik nalu-
naaruteqarnerup sulisumut kingunerisassavaa § 2-mi ataatsimiitita-
liap taaneqartup erseqqinnerusumik aalajangersaaneratigut ikior-
neqarsinnaajunnaarneq.

§ 12

Aqqissuussinerup aningaasalorsorneqarnera

Ullormusiaqartitsinermik aaqqissuussinermut atatillugu aningaasar-
tuuteqartarnermut aningaasat ullormut 102,00 kr.-it sulisitsisunit
akiliutigineqartassapput.

Immikkoortoq N.
(napparsimanersiutit)
(SIK)

§ 13

Piffissaq isumaqatigiissutip atuuffia

Isumaqatigiissut manna 1. april 2022 atuutilerpoq. Isumaqatigiissut qaammatinik 3-nik sioqqutsisumik ilisimatitsilluni 31. marts illuatungeriinnit tamanit atorunnaarsinneqarsinnaavoq, siusinnerpaamilli 31. marts 2026.

Nuuk, ulloq

Sulinermik Inuussutissarsiuteqartut
Kattuffiat n.s.

Naalakkersuisut

Jess G. Berthelsen

André Steenholdt-Guttesen

Medarbejder- og Kompetencestyrelsen

P.S.V.
e.b.

Frederik S. K. Wather

Taamaalilluni isumaqatigiissut 12. juni 2019-imeersoq atorunnaarpoq.

ASA/ØPS jr. nr. 16.40/300/2022

7 - 7-mut

11. marts 2024